

# INUIT ATAQATIGIIT INATSIARTUNI



26. maj 2026  
UPA 2026/137  
Nivi Rosing

**Atorfimmi peqquserlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunneqarnissaanik matumalu aalajangiiffigisassatut siunnersuutip akuerineqarnerata kingunitsianngua tamatuma sulissutigineqalernissaa aallartinneqaqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut (Inatsisartunut ilaasortaq, Pipaluk Lynge, Inuit Ataqatigiit)**

Inatsisartuni Ilasortaq Pipaluk Lynge Inuit Ataqatigiit siunnersuternut pingaaruteqarluinnartumut Inuit Ataqatigiiniit qutsavigaatsigit.

Ileqqorlunnerit sulluunniit sutigut tamatigut akiorniarneqartariaqartut Inuit Ataqatigiiniit isumaqarpugut, sulianut annertuunut anikitsunullu tunngasuuppata. Tamakku sukumiisumik suliarineqartassappata pingaaruteqarpoq nunarsuarmioqatigiit tamakku-ninninga akiuiniarnerannut aalajangersagaannut nunatsinniit peqataanissarput.

Aatsitassarsiorneq nunatsinni aallunneqaleriartuinnartut ilagivaat, taamatullu nunatsinni annertuunik sanaartorneq ingerlanneqarluni suli annertusiartortumik, uani ilaatigut annertuunik erngup nukissiorfiliorerit taaneqarsinnaapput. Tamakkuninnga suliaqarnermi ileqqorlunnermik ingerlatsisinnaanerup pinaveersimanissaa pingaarutilipilorujussuuvoq, inuiaqatigiit isumannaatsumik ingerlanissarput pissappat.

Eqqortumik ingerlatsinerup takutittarpai; oqartussaaqataaneq, naleqartitanik ileqqorissaarnermillu pingaartitsinerit. Akerlianiilli peqquserlunnerup, kanngunarsaaneq, oqartussaaqataajaaneq ileqqorlunnerlu takutittarlugit, tamakkulu naapertuilluarnermut innarliisarput.

# INUIT ATAQATIGIIT INATSIARTUNI



Siunnersuuteqartup saqqummiussaani takuneqarsinnaavoq, Qallunaat-nunaat 2006-imili ileqqorlunnerup akiorniarnissaanut Naalagaaffiit Peqatigiit isumaqatigiissutaan-nut ilanngussimasoq, nunarput Savalimmiullu ilaatinngit. Nalunngilarput pinerluttulerjermi inatsit aamma nunatsinni atorfissaatigut atorpeqartartoq. Siusinnerusukkut S 37-mut Naalakkersuisut akissuteqaataanni takuneqarsinnaavoq, nunani ileqqorlunnerup akiorniarnieranut inatsiseqarfiusuni pinerluttulerinermut inatsiseqarneq sakkussat annertunerpaat ilagigaat. Taamaattumik Inuit Ataqatigiinniit isumaqarpugut, ileqqorlunnerup akiornissaanut Naalagaaffiit Peqatigiit isumaqatigiissutaannut nunatta ilanngun-nissaa pingaaruteqartoq.

Taamatuttaaq akissummi, ileqqullerinnermut akiuinjarnermi aqqutissat kapitlikkaarlu-git saqqummiunneqartut sakkussaassapput aamma nunatsinni siunissami atorluarsinnaasavut.

Siunnersuuteqartoq Inuit Ataqatigiinniit isumaqatigaarput nunatta ineriartornerani isertuaatsumik ingerlatsinissap qulakkeerneqarnissaa.

Taamak oqaaseqaerluta ataatsimiititaliamut ingerlateqqipparput.